



Universitätsbibliothek Paderborn

**Theses Theologicae Quibus Examinantur Praeliminaria
Per quae Patres Societatis & alii conati fuerunt sese
excusare ab exhibitione suarum Sententiarum, ad quam
per contractum de Conferentia ineunda ...**

Huygens, Gommarus

Lovanii, [1685?]

Præfatio Ad Lectorem.

urn:nbn:de:hbz:466:1-40598



P R A E F A T I O

A D

L E C T O R E M.

Die 27. Febr. hujus anni inter R. P. DE PAPE Rectorem Collegii Societatis IESV Bruxellis, & Doctorem HUYGENS, coram Illustrissimo Domino Archi-episcopo Mechliniensi Bruxellis, initus fuit contractus pro instituenda collatione super doctrinis utrimq; controversis.

Contractus ita sonat: Pars utraque scripto tradat Illustrissimo Domino Archi-Episcopo illas suas sententias, quas à parte altera novit impugnari, quæ deinde per Illustrissimum Dominum alteri parti communicabuntur; eo fine, ut hæc contra replicet: postmodum pars utraque in defensionem suarum sententiarum duplicit; & postea, si opus, procedatur ad quadruplicam; & denique ad collationem verbalem. Quibus omnibus peractis, si ad concordiam nondum fuerit ventum, missis actis ad S. Sedem, ultima illinc decisio exspectanda erit. Additum fuit: utriusque parti fore licitum, interrogare alteram de Articulis non expressis, num eos teneat: sique pars interrogata Articulos petitos à se teneri responderit; ei incumbet eosdem cum alijs scripto traditis sustinere ac defendere; si vero responderit illos à se non teneri, nulla ei super istis Articulis moveri poterit quæstio aut molestia.

Quantum Lovanienses hunc contractum implere conati sunt; tantum Patres studuerunt illum evertere: hinc quam propensi fuerunt Lovanienses, ut doctrina sua Articulos traderent, tam inviti exsisterunt Patres ne suos traderent: quod ut equidem aliquo colore excusarent, ab initio, quo res hac incepit, ad hoc usque tempus, per quæstiones quasdam præliminaires pergunt querere ambages; quas hisce Thesibus breviter detegemus, ostendendo, quod præliminaires eorum quæstiones sint eo fine à Patrias intrusa, ut quocumque colore excusent quod doctrinæ sua articulos tradere detrectent.

Cum vero Patres vim singularem tribuant præliminari suo tertio, quo exigunt à nobis quoddam juramentum, hoc præ ceteris hisce Thesibus discutiemus.

C O N -